



REPUBLIKA E SHQIPËRISË
KOMISIONERI PËR MBROJTJEN NGA DISKRIMINIMI
KOMISIONERI

Nr. 1320/4 Prot.

Tiranë, më 01 . 09 . 2026

V E N D I M

Nr. 241 , Datë 01 . 09 . 2026

Bazuar në pikën 11¹, të nenit 33, të ligjit 10221/2010 “Për Mbrojtjen nga Diskriminimi”, të ndryshuar, Komisioneri për Mbrojtjen nga Diskriminimi²,

K O N S T A T O N :

Mbështetur në nenet 32 dhe 33, të ligjit 10221/2010 “Për Mbrojtjen nga Diskriminimi”, të ndryshuar, Komisioneri për Mbrojtjen nga Diskriminimi, ka ndjekur të gjithë hapat që parashikon procedura e hetimit administrativ, për të shqyrtuar ankesën nr.225 Regj., datë 08.10.2025³, të paraqitur nga z. A. A., (në vijim ankuesi) kundër Shoqërisë “Alpetrol” sh.a, me pretendimin se është diskriminuar për shkak të “përkatësisë në një grup të veçantë” dhe “çdo shkak tjetër”.

Bazuar në Ligjin 10221/2010 “Për Mbrojtjen nga Diskriminimi”, të ndryshuar, në përfundim të procedurës së hetimit, Komisioneri ka dalë me Vendimin Nr. 47, datë 26.02.2026, me anë të të cilit, ka vendosur:

1. Konstatimin e diskriminimit të ankuesit z. A. A., në të drejtën për punësim, nga ana e shoqërisë “Albpetrol” sh.a.
2. Në referim të pikës 1, shoqëria “Albpetrol” sh.a., të marrë masa për rivendosjen në vend të të drejtës së shkelur duke rikthyer subjektin ankues në pozicionin e mëparshëm të punës ose në një pozicion të barazvlefshëm me të.
3. Bazuar në nenin 33 pika 11, të ligjit “Për Mbrojtjen nga Diskriminimi”, të ndryshuar, shoqëria

¹ “Nëse Komisioneri urdhëron rregullime ose masa, personi kundër të cilit është paraqitur ankesa, raporton brenda 30 ditëve para Komisionerit në lidhje me veprimet e ndërmarra për zbatimin e vendimit. Në rast se personi, kundër të cilit është paraqitur ankesa nuk e informon Komisionerin ose nuk e zbaton vendimin, Komisioneri vendos masë për ndëshkimin me gjobë për personin kundër të cilit është paraqitur ankesa. Sanksioni me gjobë shfuqizohet nëse personi kundër të cilit është paraqitur ankesa, e zbaton vendimin brenda shtatë ditëve pasi është vendosur sanksioni”.

² Në vijim do t’i referohemi si Komisioneri ose me akronimin KMD.

³ Plotësuar me informacionin e administruar pranë Komisionerit me nr.1386/5 prot., datë 22.10.2025.

“Albpetrol” sh.a., detyrohet që brenda 30 (tridhjetë) ditëve të njoftojë Komisionerin, lidhur me veprimet e ndërmarra për zbatimin e këtij vendimi.

4. *Në referim të nenit 33, pika 11, të ligjit nr. 10221, datë 04.02.2010, “Për Mbrojtjen nga Diskriminimi”, të ndryshuar, moszbatimi i këtij vendimi sjell si pasojë ndëshkimin me gjobë, sipas parashikimeve të pikës 13, të po këtij neni.*
5. *Kundër këtij vendimi lejohet ankim në Gjykatën Administrative të Shkallës së Parë Tiranë, brenda 45 ditëve nga marrja dijeni.*

Me shkresën nr.1488/1 prot., datë 05.03.2026, Shoqëria “Albpetrol” sh.a, ka informuar Komisionerin se do të të ushtrojë të drejtën e saj për ankim për të kundërshtuar gjyqësisht Vendimin Nr. 47, datë 26.02.2026 të Komisionerit.

Komisioneri, me shkresën nr. 1320 prot., datë 09.07.2026, i ka kërkuar Shoqërisë “Albpetrol” sh.a. informacion mbi masat e marra për zbatimin e Vendimit nr. 47, datë 26.02.2026.

Me shkresën nr. 4372/1 prot., datë 16.07.2026, të administruar pranë Komisionerit për Mbrojtjen nga Diskriminimi me nr. 1320/1 prot., datë 20.07.2026, Shoqëria “Albpetrol” sh.a. ka paraqitur kundërshtimet e saj lidhur me shkresën nr. 1320 prot., datë 09.07.2026, me objekt: *“Kujtesë mbi zbatimin e Vendimit nr. 47, datë 26.02.2026”*. Gjithashtu, Shoqëria “Albpetrol” sh.a. ka informuar Komisionerin se, lidhur me Vendimin nr. 47, datë 26.02.2026, me të cilin është konstatuar diskriminimi i ankuesit z. A. A., ka depozituar pranë Gjykatës Administrative të Shkallës së Parë Tiranë kërkesë-padinë nr. 2402 prot., datë 10.04.2026.

Në vijim të këtij komunikimi, me shkresën nr. 1320/2 prot., datë 22.07.2026, Komisioneri për Mbrojtjen nga Diskriminimi i është përgjigjur Shoqërisë “Albpetrol” sh.a., duke sqaruar se Vendimi nr. 47, datë 26.02.2026, vijon të jetë në fuqi dhe i ekzekutueshëm. Në këtë shkresë, Komisioneri ka sqaruar gjithashtu se depozitimi i kërkesëpadisë pranë gjykatës nuk sjell pezullimin automatik të ekzekutimit të vendimit dhe se, në mungesë të një vendimi gjyqësor për pezullimin e tij, detyrimi për zbatimin e Vendimit nr. 47, datë 26.02.2026, mbetet në fuqi.

Referuar lajmërim-marrjes së Zyrës Postare nr. RR864068838AA, rezulton se Shoqëria “Albpetrol” sh.a. ka marrë dijeni për shkresën nr. 1320/2 prot., datë 22.07.2026 të Komisionerit, më datë 25.07.2026, por nuk ka kthyer asnjë përgjigje.

Sa më sipër, rezultoi e provuar se, Shoqëria “Albpetrol” sh.a., në cilësinë e subjektit të gjetur përgjegjës për sjelljen diskriminuese, nuk ka marrë masa për zbatimin e Vendimit nr. 47, datë 26.02.2026, të Komisionerit. Në këtë mënyrë, Shoqëria “Albpetrol” sh.a., nuk ka përmbushur detyrimin ligjor të parashikuar nga neni 33, pika 11, të ligjit nr. 10221/2010 *“Për Mbrojtjen nga Diskriminimi”*, të ndryshuar. Ky mosveprim, kjo mospërmbushje e këtij detyrimi ligjor, në bazë të nenit 33, pika 11, të Ligjit të sipërpërmendur, shoqërohet me marrjen e masave administrative, gjobë. Për personat juridik, siç është në rastin konkret Shoqëria “Albpetrol” sh.a., në nenin 33 pika

13 të ligjit 10221/2010 parashikohet se: *“Çdo person që shkel dispozitat e këtij ligji dënohet me gjobë si më poshtë”: b) personi juridik nga 60.000 deri në 600.000 lekë;.....”*.

Për sa më sipër, Komisioneri për Mbrojtjen nga Diskriminimi arrin në konkluzionin se, Shoqëria “Albpetrol” sh.a., është në shkelje të detyrimit ligjor të përcaktuar në nenin 33, pika 11, të Ligjit nr. 10221/2010 *“Për Mbrojtjen nga Diskriminimi”*, të ndryshuar, shkelje e cila sipas parashikimeve të kësaj pike, është e dënueshme me gjobë.

Në lidhje me masën e gjobës, Komisioneri mban në konsideratë parashikimet dhe kriteret e vendosura në nenin 33, pika 12, të Ligjit nr. 10221/2010 *“Për Mbrojtjen nga Diskriminimi”*, të ndryshuar, ku sanksionohet se: *“12. Kur vendos masën, komisioneri siguron që ajo të jetë: a) e efektshme dhe parandaluese; b) në përpjesëtim me gjendjen që e shkaktoi vendosjen e masës. Nëse vendoset gjobë, komisioneri përcakton shumën e gjobës duke marrë parasysh: i) natyrën dhe fushën e veprimit të shkeljes dhe ndikimin mbi viktimën; dhe ii) rrethanat personale e financiare të shkelësit, veçanërisht duke marrë në konsideratë të gjitha burimet e të ardhurave dhe nëse shkelja kryhet nga një person juridik privat, merren parasysh aktivet e bilancit dhe fitimi, si dhe pagat totale të paguara punonjësve; c) nëse e njëjta shkelje diskriminon disa persona, vendoset vetëm një gjobë, por duke marrë parasysh kërkesat e shkronjës “b” të këtij neni”*.

Duke mbajtur në konsideratë kriteret e mësipërme për përcaktimin e masës së gjobës, Komisioneri arrin në përfundimin se, Shoqëria “Albpetrol” sh.a., duhet të gjobitet me 100.000 (njëqind mijë) lekë, për moszbatimin e Vendimit nr. 47, datë 26.02.2026, të Komisionerit.

PËR KËTO ARSYE:

Mbështetur në nenin 32/1, shkronja “ç”, neni 33, pikat 11, 12, 13/b dhe 14, si dhe nenin 33/1, të ligjit nr. 10221, datë 04.02.2010 *“Për Mbrojtjen nga Diskriminimi”*, të ndryshuar, Komisioneri për Mbrojtjen nga Diskriminimi,

V E N D O S I:

1. Shoqëria “Albpetrol” sh.a., të gjobitet në vlerën 100.000 (njëqind mijë) lekë, për moszbatimin e Vendimit Nr. 47, datë 26.02.2026, të Komisionerit për Mbrojtjen nga Diskriminimi.
2. Gjoka të derdhet në Buxhetin e Shtetit, brenda 45 ditëve nga marrja dijani.
3. Pagesa e kësaj vlere të bëhet pranë çdo banke në llogarinë e thesarit Tiranë, për llogari të: Komisioneri për Mbrojtjen nga Diskriminimi, NIPT: L02027451K, Kodi i institucionit përfitues: 1091001, Kodi i Degës së Thesarit: 3535, Kodi i llogarisë ekonomike: 7115499.
4. Zbatimi i Vendimit Nr. 47, datë 26.02.2026, të Komisionerit për Mbrojtjen nga Diskriminimi, brenda 7 (shtatë) ditëve nga marrja dijani për sanksionet, sjell shfuqizimin e tij.

5. Kundër këtij vendimi lejohet ankim në gjykatë, brenda 45 ditëve nga marrja dijeni, sipas parashikimeve ligjore të Kodit të Procedurave Administrative, të ndryshuar.

KOMISIONER

Genta TAFA (BUNGO)